

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-Լ հրամանի

(05100040) / (090623) / (263)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ  
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«09» հունիսի 2023 թ.  
(ամսաթիվը)

Սիսիան-Երևան մայրուղու 7-րդ կմ  
(կազմման վայրը)

Ես՝ ՀՀ պետական եկամուտների կոմիտեի  
Հարավային մաքսատուն-վարչության  
(ստորաբաժանման անվանումը)

ղեկավար Արտաշես Ղամբարյանս. քննելով՝ ՀՀ քաղաքացի Վարդուհի Օնիկի  
Սարգսյանի (AS0522122, հասցե՝ ՀՀ, Սյունիքի մարզ, ք.Կապան, Մ.Ստեփանյան  
փողոց, շենք 14, բն.30)

---

(քննվող անձի անվանումը, կազմակերպչիրավական տեսակը, ՀՀՀՀ, պետական գրանցման/ընկերության հասցեն, փաստացի գործունեության  
հասցեն / քննվող անձի անունը, ազգանունը, անձը հաստատող փաստաթղթի տվյալները)

---

նկատմամբ հարուցված մաքսային կանոնների խախտման վերաբերյալ գործը.

Պ Ա Ր Ձ Ե Ց Ի

2023 թվականի ապրիլի 09-ին՝ մաքսային հսկողության շրջանակներում ՀՄՎ  
Մեղրիի մաքսային կետ-բաժնի աշխատակիցների կողմից զննման է ենթարկվել ԻԻՀ-  
ից ՀՀ ժամանած, ՀՀ քաղաքացի Վարդուհի Օնիկի Սարգսյանի ուղեբեռը, որի  
արդյունքում Վարդուհի Սարգսյանի կողմից բանավոր հայտարարված 1 բլոկ

«NARGIZ» տեսակի ծխախոտներից բացի հայտնաբերվել է ևս 1 բլոկ «NARGIZ» գրառմամբ և 2 բլոկ «COBRA» գրառմամբ չհայտարարագրված ծխախոտներ:

Փաստի առթիվ 09.04.2023 թվականին ՀՀ ՊԵԿ ՀՄՎ Մեղրիի մաքսային կետ-բաժնի 2-րդ բաժանմունքի մաքսային տեսուչի կողմից ՀՀ քաղաքացի Վարդուհի Օնիկի Սարգսյանի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է վարչական վարույթ, այն է՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը»:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

«Մաքսային կարգավորման մասին» ՀՀ օրենքի 316-րդ հոդվածի 3-րդ մասի համաձայն՝ «Սույն հոդվածի 1-ին մասով սահմանված արարքը, որի հետևանքով առաջանում է մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի), տուրքերի չհաշվարկում (պակաս հաշվարկում) կամ չվճարում (պակաս վճարում)՝ հանցագործության հատկանիշների բացակայության դեպքում՝ առաջացնում է տուգանք՝ չհաշվարկված (պակաս հաշվարկված) կամ չվճարված (պակաս վճարված) մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական

տուրքի) ընդհանուր գումարի քսան տոկոսի չափով, բայց ոչ պակաս, քան երեսուն հազար դրամի չափով»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագրի՝ հղում նորմատիվ իրավական ակտի դրույթներին, որոնց պահանջները խախտվել են)

ՀՀ քաղաքացի Վարդուհի Օնիկի Սարգսյանը փոստով պատշաճ ծանուցվել է գործի քննության օրվա և ժամի մասին, սակայն չի ներկայացել գործի քննությանը:

Վարչական վարույթի շրջանակներում չհայտարարագրված ապրանքների շուկայական արժեքները պարզելու նպատակով 14.04.2023 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԱՆ «Փորձագիտական կենտրոն» ՊՈԱԿ-ի միջև առկա պայմանագիրը, հանձնարարվել է «Փորձագիտական կենտրոն» ՊՈԱԿ-ին:

Փորձագետի թիվ 11692310 եզրակացության համաձայն՝ 09.04.2023 թվականի դրությամբ՝ «NARGIZ» անվանումով «NANO» տեսակի 1 բլոկ ծխախոտի շուկայական արժեքը կկազմեր 4000 ՀՀ դրամ, «COBRA» անվանումով «NANO BLAK» տեսակի 1 բլոկ ծխախոտի շուկայական արժեքը կկազմեր **3800 ՀՀ դրամ**:

Հիմք ընդունելով փորձագետի եզրակացությունը՝ վարչական վարույթի շրջանակներում ՀՀ քաղաքացի Վարդուհի Օնիկի Սարգսյանի կողմից չհայտարարագրված ապրանքների մաքսային արժեքները, վճարման ենթակա մաքսային վճարների չափերը և ոչ սակագնային կարգավորման միջոցների կիրառելիությունը պարզելու նպատակով՝ թիվ 320 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 553 մտից համարի տեղեկանքի համաձայն՝ 2023թ ապրիլի 09-ի դրությամբ ՀՀ քաղաքացի Վարդուհի Օնիկի Սարգսյանի կողմից ՀՀ ներմուծված և չհայտարարագրված ապրանքների ընդհանուր մաքսային վճարները կկազմեր **12**

295 ՀՀ դրամ և վերոնշյալ ապրանքների նկատմամբ ոչ սակագնային կարգավորման միջոցները կիրառելի չեն:

Ուսումնասիրելով «Մաքսային կարգավորման մասին» ՀՀ օրենքի 316-րդ հոդվածի 3-րդ մասի դիսպոզիցիան՝ վարչական մարմինը գտնում է, որ քաղաքացի Վարդուհի Օնիկի Սարգսյանի կողմից դրսևորած վարքագիծը հիմնավորում է ապրանքները չհայտարարագրելու նպատակը, հետևաբար քաղաքացի Վարդուհի Օնիկի Սարգսյանի արարքում առկա է «Մաքսային կարգավորման մասին» ՀՀ օրենքի 316-րդ հոդվածի 3-րդ մասով նախատեսված մաքսային կանոնների խախտումը:

---

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 316-րդ հոդվածի 3-րդ մասով, 322-րդ, 334-րդ հոդվածներով՝

---

(իրավական ակտի անվանումը, հոդվածը)

## Ո Ր Ո Շ Ե Ց Ի

1. Հայաստանի Հանրապետության քաղաքացի Վարդուհի Օնիկի Սարգսյանին «Մաքսային կարգավորման մասին» ՀՀ օրենքի 316-րդ հոդվածի 3-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **30000 ՀՀ դրամ:**

---

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, քողոքարկման ժամկետը և կարգը)

ՀՀ պետական եկամուտների կոմիտեի Հարավային մարսատուն-վարչություն  
(ստորաբաժանման անվանումը)

ղեկավար՝

Արտաշես Ղամբարյան  
(անուն, ազգանուն)

(ստորագրություն)

Որոշման օրինակը \_\_\_\_\_ հավելվածներով \_\_\_\_\_ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի  
ներկայացուցչի անունը, ազգանունը, հայրանունը և վիճադրությունը հաստատող  
փաստաթղթի տվյալները)

(ստորագրություն)

«\_\_» \_\_\_\_\_  
(որոշման օրինակի ստացման ամսաթիվը)

2023թ.

**Ծանոթություն.** Սույն որոշմամբ նշանակված Գրույժի գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:  
Սույն որոշումն անքողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:  
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: